

無住處者

十三

八

大法炬陀羅尼經卷第十八  
 斧<sub>音</sub>芟剉<sub>上音</sub>下音<sub>杉伐也</sub>刈也  
 反洽<sub>咸爽反</sub>牛<sub>上音</sub>字<sub>母牛也</sub>陋<sub>古文</sub>鉢<sub>必速反</sub>  
 同與<sub>俱</sub>刮<sub>俱八反</sub>忽遽<sub>二七紅反</sub>去<sub>其</sub>循環<sub>上音</sub>鉢<sub>宜居</sub>  
 繩也<sub>下</sub>先造<sub>下七反</sub>荷德<sub>上胡可反</sub>良<sub>吉反</sub>羈<sub>居</sub>  
 還圓也<sub>下</sub>反復<sub>下七反</sub>荷德<sub>上胡可反</sub>栗<sub>下良吉反</sub>羈<sub>居</sub>

還圓也<sub>下</sub>先造<sub>下七反</sub>荷德<sub>上胡可反</sub>栗<sub>下良吉反</sub>羈<sub>居</sub>

大法炬陀羅尼經卷第十九

短九

隨北天竺三藏法師闍那崛多等譯

得是如來業藏無量辯才既未曾入此三言  
教亦無有人為其解說亦不讀誦修習受持  
云何而得自然現前具足辯說

爾時放光佛告諸善薩言摩那婆世間無有  
如是方便唯還於此三教業藏陀羅尼門修  
多羅中讀誦受持乃可得耳或時有人為佛

世尊加其威力及法力得者摩那婆若有如  
是陀羅尼法門者還由說此修多羅故而得  
成就非遠離也若從他聞如聞速解而不忘  
失所有語言又有餘所說一經於耳乃至盡  
壽終不忘失若人由來未曾聞者彼初聞說  
亦不能知應為具釋摩那婆若人不持此三

信解品第四十七

離惡友品第四十八

辯田讚施品第四十九

信解品第四十七

言教如來業藏如說受持而能具足一切辯者無有是處摩那婆若諸衆生具足受持是法門者自然當得無量辯才汝今應當知是德藏摩那婆若復有人親聞佛說若加持力若彼自有信根慧力第造法師求問法者摩那婆當知此等皆是厚集三乘善根若有隨

趣一一乘者彼時法師應爲是等施設佛法何況於彼具三乘者摩那婆或時復有百千

萬億異類衆生一時雲集是法師所彼彼各問種種法門種種義句種種文字法師爾時於彼無量異衆生所無疑惑心亦無怖畏以無礙辯隨問酬答解釋法門無有障礙復次摩那婆譬如有人從生作賊有大膽勇及賊智方便雖復處在百千人中都無危懼何以故以久成就賊智慧故摩那婆彼說法師亦復如是當說法時雖復處於無量百千億那由他大衆之中解釋深義隨問能答無有滯礙皆令歡喜乃至不起一念怖心何以故以

先成就無礙辯故復次摩那婆譬如阿那婆達多龍王能兩衆流滿四大海如是摩那婆彼說法師成就三藏充足一切亦復如是摩那婆又如阿耨達多龍王有大方便能出河水隨順一切衆生意願如是摩那婆彼說法師以先成就三言教藏能爲一切方便教示令諸衆生斷除疑心皆悉通達滿意願海亦復如是

爾時諸菩薩復白佛言世尊此三言教方便業藏爲當唯此陀羅尼門修多羅中具足有耶爲更於餘修多羅諸法門中亦得有乎我等今者諮請世尊爲欲了知此決定義世尊我等咸共作是思惟如來世尊有大方便今日將無更說他義而令我等疑惑不解何以故如來大智境界深遠是故我等預生驚怖復如是當說法時雖復處於無量百千億那由他大衆之中解釋深義隨問能答無有滯礙當知是人必喪軀命何以故世無有人能以手力能過大海故世尊我等亦爾如彼愚

人不能隨順仰信如來欲以自心測量佛智爾時放光如來告諸善薩言如是如是摩那婆但能勤求豈有不獲汝向所聞誠舍財寶於此中勿念疲急莫生恐怖當以無礙智慧辯才分明義理辯正文宇善修三業出離世間淨持禁戒一心思惟積集真智勇猛精進不捨重擔莫退本心求一切智於諸法門斷除繆網具足如是善巧方便教誡如來亦自觀察當以四種攝受正法於諸佛所聽受未聞若佛滅後護持正法於末世中多惡衆生誅謗毀辱是經典者汝等應當如法告台乃至命終常須求請不得放捨懈怠懶慢摩那婆汝等於中學是大事若如來所或弟子所當當諮詢如是正法既自學已復成就他因是更轉教化無量無邊衆生入此法門復次摩那婆若諸善薩摩訶薩於求法時世間無有一衆生所而不至者何以故欲令法界一切衆生一切皆入究竟涅槃是故善薩於

短九

三

求法時常作是願我從今日凡所生處但令我得聞所未聞乃至一偈一句一言我於是中不惜身命頭目支節一切身分皆用奉上何況身外所有財物輕舉寶參而不捨者復次摩那婆若諸善薩摩訶薩爲求法故但有法處即皆造求或時往詣旃陀羅家或時至彼羅刹住處乃至鳥獸所居之處聞已皆往請問求法或時彼等婬善薩言能住我家足滿千歲然後我當爲汝說法善薩聞已即住其所滿足千年隨彼所須供承給使要聞法已重載而還復次摩那婆若諸善薩摩訶薩爲求法故如是精進尚能奉給諸旃陀羅乃至羅刹惡鬼畜生滿足千歲而況不能於住正法善根衆生及以智慧大法師所聽聞正法斷惑波疑復次摩那婆如是善薩摩訶薩既聞法已心大歡喜念欲往報說法者恩當知爾時非以貨財可用報答說法者恩何以故摩那婆以恩重故設於諸佛如來正遍覺

所亦無方便能報之者所以者何爲其重故云何爲重所謂法施夫法施者於諸施中最爲第一最勝最妙最爲無上爲無上上無數無量無有邊際不可以彼財施爲比何以故無取著故摩那婆夫財施者即是生死有漏有爲執著取相煩惱施也其法施者一向出

短九

四

離無漏無爲無礙無相智慧施也又法施者無人能毀亦無能讚若有訶毀此法施者當知是人即謗三寶摩那婆汝於是中應深思念懇懃詣請聞已修學既自學已爲人普說以具宣故法得久住亦令世間善法增長復次摩那婆譬如賣家以少貨財販賣求利是人資產歲月漸增庫藏充實拯濟多人若不費販財則不增後值飢荒喪失家累摩那婆彼說法師亦復如是應常宣說不得休懈何以故若常宣說法住增長利益人天成熟善根滅除衆惡若不宣弘法則衰殄熾盛惡道損滅人天故復次摩那婆譬如賣藥多將徒

侶莊嚴器仗持諸貨財經涉險難適於中路更遇餘賚時彼導師分明約束強弱相保首尾相衛分部如法於險難中雖逢寇盜不損貨財安隱得過摩那婆彼說法師亦復如是雖處無量百千大衆具宣如是正法門時彼大衆中多有如來世尊弟子聰明利智善解其義讀誦受持誦持力故無有障礙假設外道世智辯聰百千邪論種種呪術種種辭辯種種問難無所申展自然喪滅云何而能作諸妨礙摩那婆汝應當知彼百千數大衆之中雖有邪見世智辯人然彼一切諸比丘等勿受其言莫行其事不得供養不應親近何以故以彼無有增長成就利益諸事唯有損減破壞善根

短九

五

大法炬陀羅尼經離惡友品第四十八復次摩那婆如有人家施設種種上妙美膳人間所無等輪王食如是妙食味中最上然雜微毒如芥子許摩那婆於意云何有人飢

虛思求鹿食忽逢毒膳爲取食不諸菩薩言  
不也世尊佛言摩那婆如是如是如汝所說  
若人讚說世智辯聰所爲事業乃至讀誦一  
偈一句斯人不可在僧衆中何以故以彼即  
非諸佛弟子故復次摩那婆譬如有人得惡  
癘病是人不得入淨衆中謂刹利衆婆羅門  
衆長者居士一切衆中乃至不應暫時立住  
況聽久坐清淨衆處摩那婆世辯邪人亦復  
如是尚不應令清淨衆前須臾立住況得久  
坐同其事業復次摩那婆譬如野干鄙賤腥  
臊身形疥瘦時食糞穢豈容得在師子衆中  
摩那婆世辯邪人亦復如是是人惡極無有

善根終無得在諸佛刹中假令先有亦應驅  
捨何以故不令衆生學習惡見長夜增長無  
量惡業墮諸惡趣受大苦故復次摩那婆寧  
與怨家旃陀羅等屠膾之人共爲親友終不  
與是邪辯惡見暫時同住摩那婆寧以利刀  
譬破舌根不與惡見論說佛法摩那婆寧忍  
飢苦千歲不食莫因惡見受他信施摩那婆  
寧豎鐵鏘以爲鋪榻卧經千歲不與邪辯惡  
見誇毀之人暫同坐卧摩那婆寧以灰火覆  
地足蹈千年不與邪辯惡見之人受經行處  
何以故摩那婆千歲蹈火苦止少時若學惡  
見永墮惡道何以故摩那婆凡夫愚癡心力  
妙少親近邪黨積習其惡同惡相扶破毀佛  
法既自作已復令無量無邊衆生學<sup>習</sup>邪見  
復次摩那婆於意云何若人毀佛及誇法僧  
彼人長夜得安樂不諸菩薩言不也世尊佛  
言摩那婆以是因緣如來應供正遍覺懲勸  
顯揚如是法義摩那婆如來世尊有大慈悲  
短九

如是知摩那婆汝等當知設對百千諸佛經  
典不讀不誦不受不持數百千歲默然而住  
不與邪辯共住談論讀誦所作或暫聽聞摩  
那婆汝等從今於一切處慎莫與彼非法衆  
生共爲朋友勿與同居亦莫親近何以故若  
有親近非法惡人從其事業是人長夜不得

安隱所以者何是人知已還以惡法轉教他  
人去來現在常行邪法以行邪故輪迴衆苦  
摩那婆汝等當知未曾見聞行世間法能知  
出世勝上人法豈況行邪而得證者復次摩  
那婆波惡衆生無能爲物作淨福田獲果報  
者如來世尊亦不開許彼惡邪人受他供養  
復不聽彼諸餘衆生奉給惡人衣食衆具何  
以故以彼癡人不如法行終不住是如法中  
故不求解脫終不住是解脫中故彼等愚盲  
不行我法住邪法中應如是知摩那婆諸佛  
世尊常作是說若諸衆生未入正法亦未入  
於聲聞法中若供養者果報減少

短九

七

大法炬陀羅尼經辨田讚施品第四十九  
爾時彼佛告諸善薩言摩那婆若人供養或  
須陀洹乃至養飼畜生餓狗隨其品類悉有  
功德是故應當一切處施隨施主心得報差  
別摩那婆施持戒人得果報異施破戒人得  
報亦異施者受者其事皆異乃至餓狗得報  
亦異摩那婆是故一切皆應勤求住清淨戒  
忍辱精進禪定智慧乃至所有力無畏等一  
切功德咸應求之復次摩那婆以是因緣如  
來世尊爲諸善薩摩訶薩等受衣食故開許  
四事何等爲四所謂若諸善薩摩訶薩不自  
爲已受畜財物乃至飲食及諸湯藥凡是所  
須如法乞索若得供養如來聽受是爲善薩  
摩訶薩開許初事若諸善薩摩訶薩常行教  
化一切衆生遠離惡法成熟善根若有須  
如法乞求得供養時如來聽受是爲善薩摩  
訶薩開第二事若諸善薩摩訶薩於一切時  
常爲供養諸佛如來及如來塔若有所須如

法求乞得供養時如來聽受是爲菩薩摩訶薩開第三事若諸菩薩摩訶薩常樂讀誦護說經典開示衆生若有所須如法求乞得他供養如來聽受是爲菩薩摩訶薩開第四事摩那婆若有菩薩摩訶薩能住如是四種法中當知彼行長夜增長無有損減亦爲無量無邊衆生說菩提法生長善根而彼菩薩如是行已堪受誰供所謂堪受長者居士若婆羅門若諸國王乃至轉輪聖王勝供養故受何等供所謂房舍卧具衣服飲食療病湯藥乃至種種財寶衆具充給所須如是菩薩供是威儀受供養時功德無減復次摩那婆若諸菩薩摩訶薩等隨順成就四種行已以此善根獲四果報何等爲四一者若彼菩薩念欲居於轉輪王位行十善法教化衆生隨意即作轉輪聖王無量千世二者若彼菩薩意欲念作忉利天王說法教化三十三天隨意即得無量千世三者若彼菩薩意欲捨家出

家修道證沙門果隨意即得沙門果證四者若彼菩薩欲得當證阿耨多羅三藐三菩提藉此善根斷除顛倒次第住於諸善根中必當得成阿耨多羅三藐三菩提摩那婆此四種法爲諸菩薩摩訶薩最上修行能住此法堪受供養及能施者是二皆名著大鎧甲應如是知何以故摩那婆是中不可以懈怠之人少精進者失正念者無威儀者樂睡眠者長夜不捨懈怠懶墮遠離勇猛心不問他者受此供養如是之人乃至不堪受此六年棄置糞中一齋木片何以故摩那婆若諸衆生不住正法於三界中不消一物以是因緣如是知九

來世尊不爲如是愚癡邪見諸衆生等不住威儀不依佛戒宣揚弘說如是法事復次摩那婆一切菩薩幼求法行有四種事退欲法心何等爲四摩那婆若有菩薩爲衆經紀或時往詣聚落城邑若至王都入王宮殿爲物去來營理衆務然彼衆中無一比丘

淨持禁戒亦無一人勇猛精勤多是愚癡不知經典時彼菩薩見諸徒衆多行非法便即退捨求法意行我今云何與是等人同止共居學習是法摩那婆汝等當觀惡世比丘假得僧名令他營護知事人等無有尊敬欽仰之心以是因緣令彼菩薩見如是等無行衆

短九

九

生速捨善欲摩那婆是爲初行菩薩摩訶薩退求法心第一事也

復次摩那婆若有菩薩欲學菩薩諸功德行故往他所聽受正法至他所已先即請問諸菩薩行精進勇猛依所聞行觀彼衆中無一比丘能說如是所諮問法而彼菩薩於法有

疑無人能波即起誹謗退捨本心摩那婆是爲初行菩薩摩訶薩退求法心第二事也

復次摩那婆若諸菩薩念捨世間有爲之事所謂若衣若食乃至湯藥種種衆具欲學如是菩薩所行如是菩薩至僧衆中見諸比丘坐高大牀貪嗜飲食悉多受畜不淨財物常

樂睡眠喜論世事無厭離想不善思惟順生死流增長魔業時彼菩薩見是事已退捨本心摩那婆是爲初行菩薩摩訶薩退求法心第三事也

復次摩那婆若諸菩薩欲行最上樂欲阿蘭若法欲行空三昧行彼自未有如是解慧云何當行阿蘭若法復云何念空三昧門而彼菩薩作是思惟我於今日應速往詣若出家人若在家人所諮詢請問如是行法或時有人能解化事爲我說者則得依行如是思已即便往詣出家在家一切人所諮問所疑無能決者更復思念我於今者應當往詣比丘衆中請問此義如是思已至大衆中見諸比丘請問此義然彼大衆無有一人能教示者亦無一人生隨喜者菩薩見已壞其本心然彼無行諸比丘等方爲菩薩說如是事汝等從今常應受是高好牀敷種種衣服種種美食言佛不許者爲待他請故摩那婆而彼諸

人雖教善薩如是等事然復不知受法云何受他衣食得不損已受此物已得清淨不彼皆不知如斯之事摩那婆彼諸癡人具足非法破沙門行懈怠嬾惰不淨臭處沙門枯草遠離戒服常懷貪欲瞋恚愚癡寧知如是空無相願既無慧解云何能行既無解行云何

短九

能說假雖有說云何斷疑時彼善薩見是事已起毀謗心即便退轉善欲法心摩那婆是爲菩薩摩訶薩退求法心第四事也

復次摩那婆今此衆中得無如是諸惡人不諸善薩言不也世尊佛告諸善薩言摩那婆如是衆生計不合受七日臭穢投棄惡食何

況更受淨妙食也是人本無出家受具比丘

體相何緣得彼比丘僧名復次摩那婆此天妙食本不爲彼行非法人破淨戒人墮諸見人不如法等而施設也摩那婆汝當正念汝今住此須彌山頂食是忉利天王妙食此食最勝上妙第一假使人中轉輪聖王四不應

得況復如是假被袈裟臭穢不淨行非法者而堪受此天須陀食摩那婆以是因緣如來應供正遍覺先語汝等如是妙食食斯食已當令施主獲大果報摩那婆我已處處開顯宣說破戒之人尚不得受正信檀越如手許物況能消此天妙食也所以者何食此食者無有衆惡所謂無有太小便利宿食不消噦噎上氣乃至無有悶亂衆病摩那婆寂令受彼七日棄捨臭爛諸食猶須清淨善行之人能令施主得大果報況受如是天須陀食如此食者世間所無是故不可以彼人中鹿澁觸等相比類也摩那婆若彼破戒不正念人

短九

十一

食此食者斯人必獲大不善果

阿難時諸善薩摩訶薩衆聞是事已即白放光如來應供正遍覺言善哉世尊今此衆中諸比丘僧無有塵垢沙礫瓦石糞穢乾枯枝葉摧折乃至缺減煩惱衆病不假諸藥此比丘衆唯有牢固清淨持戒善入禪定離諸怖

畏世尊今此衆中有須陀洹有斯陀含阿  
那含有阿羅漢有辟支佛有發摩訶衍心有  
諸善薩摩訶薩亦有人中師子具足神通得  
度彼岸此處復有常行空三昧者無相三昧  
者無願三昧者復有常行最勝上上檀波羅  
蜜最勝尸波羅蜜最勝羼提波羅蜜最勝毗  
梨耶波羅蜜最勝禪波羅蜜最勝般若波羅  
蜜乃至常行力無畏等世尊如是清淨諸比  
丘衆受天帝釋如是妙食我知此衆於一切  
處受諸供養無所不消何以故一切世間若  
食異食即生病苦此等食之尚能無病況是  
微妙清淨食中乃至無有大小便利食此食  
者云何當有更生病苦若生病者無有是處  
阿難爾時放光如來應供正遍覺告諸善薩  
言善哉善哉摩那婆汝等今日乃能令是帝  
釋天王心生歡喜摩那婆今此衆中應有衆  
生生是疑心以佛威力令此大衆昇須彌頂  
以是因緣今者如來應供正遍覺爲此切利

諸天大衆汝除疑網故作如是演說正法以  
諸譬喻皆令覺知

阿難放光如來如是說時彼天帝釋即白佛  
言世尊若人布施諸佛弟子若復漏盡諸阿  
羅漢若諸辟支佛若諸善薩摩訶薩衆若諸  
佛如來應供正遍覺如是布施能無差別耶

世尊今者說一法相顯示一切一解脫義是  
中布施云何有異如是之義惟願具解令此  
衆生得無疑惑佛言憍尸迦汝今於此諸佛  
世尊說法之處莫生疑惑憍尸迦然我爲汝  
種種譬喻顯示此義令諸智人決定得解憍  
尸迦若人欲行布施之時應作是念今我修

經九

十二

行如是施故當得無量功德智聚亦令受者  
當得無量功德智聚憍尸迦汝今當知如來  
曾說一布施已迴向無量如是願者乃至布  
施畜生餓狗尚皆獲得無量果報何況布施  
是須陀洹是斯陀含是阿那含是阿羅漢是  
辟支佛是諸善薩摩訶薩等況復如來應供

正遍覺憍尸迦以是因緣莫生疑惑雖以少  
物布施如來獲無量福以迴向無量故如是  
布施諸佛弟子亦應還得無量福聚汝莫爲  
暴憍尸迦諸佛世尊弟子衆等譬如大海難  
可測量汝等今者勿復如是問於如來諸布  
施者得無量報若諸聲聞若諸辟支佛若諸  
菩薩摩訶薩若諸佛世尊也憍尸迦我於是  
中令汝斷疑諦聽諦受善思念之吾爲汝說  
時天帝釋即白佛言善哉世尊願爲解釋時  
天帝釋一心聽受彼時所有利益諸天在斯  
會者聞佛說已皆從座起合十指掌在彼佛  
前恭敬而住

爾時放光如來應供正遍覺告天帝釋言憍  
尸迦汝今觀此三十三天徃昔造業受報處  
所及彼所作善根因緣皆悉知不憍尸迦今  
此三十三天子中頗有自知所作善不天帝  
釋白佛言世尊我今悉知此諸天等過去所  
造善業因緣諸天子不能自知徃昔所作

短九

十三

佛言憍尸迦汝今應觀此天衆中何者天子  
善根最少時天帝釋蒙佛教已一心觀察識  
天衆中見一天子善根最少而彼天子過去  
之世生在人中時佛如來有一弟子是行須陀  
洹者次第乞食遂入其家適遇彼人端坐  
而食後人見已即從座起指座授與行須陀  
洹人洗手取食施以一搏時乞比丘即從彼  
人受食食已住經一日然是天子往昔唯有  
如是善根從座恭起奉施一搏以此善根壽  
終之後生此天中受今果報爾時天帝釋見  
彼天子如是善根已即告彼天子言善男子  
汝今可來在世尊前自陳徃昔所修善業時  
彼天子聞帝釋命即從衆起便徃帝釋天王  
足下

阿難時天帝釋復告彼天子言善男子汝於  
今者在如來前自說徃昔所作業緣令餘天  
子心生歡喜於如來所起尊重意生愛敬心  
阿難時彼天子承帝釋教即於佛前爲諸天

子自說往昔所造善根而諸天等聞彼天子  
自說往昔所作善根各各相語生大歡喜

阿難爾時放光如來應供正遍覺告天帝釋言  
情尸迦於意云何今此天子所有宮殿諸  
莊嚴具及以飲食諸餘衣服凡所受用於諸  
分中乃至取一華髮微末之物假設大集此

闍浮提一切衆生共聚一處能得稱量最下  
革屣價數多少知貴賤不不也世尊佛言惱  
尸迦且置闍浮提所有衆生假使復以四天  
下衆生皆有智慧具大巧便亦不能知最下  
華屣價直多少何況能知自餘諸物何以故  
若使闍浮檀金如芥子許有價量者彼闍浮  
提一切人衆及諸財寶二足四足乃至多足  
所有價直不及少分幾且方便說斯價直實  
無價也惱尸迦汝今但觀一食布施如是衆  
生尚得如是無量果報況多施也惱尸迦汝  
當知彼如是布施還得如是無量果報帝釋  
復言我知汝算此諸天子所有一切果報莊

嚴假使於此三千世界滿中諸人亦不能知  
況四天下

爾時放光如來應供正遍覺告天帝釋言  
情尸迦於意云何如此三十三天所有衆具取  
夜摩天中最小天子所有一切果報衆具此  
彼昇降事復云何帝釋復言世尊若此三千

大千世界一切人中身莊嚴具及四天王身  
諸莊嚴具乃至今此三十三天身莊嚴具悉  
聚如是身莊嚴具與須夜摩最下天子而彼  
天子於前衆具本無欲心豈云取受又復世  
尊譬如轉輪聖王周行四海忽然有人奉上  
鹿飯王本不受何論敢食世尊彼須夜摩最  
下天子亦復如是望此利益乃至人中一切  
果報諸莊嚴具本無欲心何況貪取而復受  
用何以故由彼自有勝妙五欲果報精微此  
非情願故佛復告天帝釋言惱尸迦於意云  
何如光明天所居宮殿莊嚴衆具以夜摩天  
三十三天四天王天自餘一切諸天及人所

居宮殿受用衆具復得同彼梵率天不天帝  
釋言不也世尊佛言憍尸迦如是次第上上  
轉勝梵居諸天過六欲天乃至摩醯首羅勝  
餘衆天憍尸迦以是因緣布施果報差別無  
量我今為汝略解說已

## 十五末

大法炬陀羅尼經卷第十九

短九

膽丁取反販方万反拯音珍徒典寇賊上苦反  
腥臊上音星下劈音見鑄整珍反鑄七羊榻音塔妙音恵漢例音  
飼音藉此上才鑑音文腐音父嗜音魂嚦音噎噎噎上烏反  
絲下於紲釋上卑發反衍演搏音搏官屣所綺反

大法炬陀羅尼經卷第二十

短十

隋天竺三藏法師闍那崛多等譯

- 付菩薩品第五十
- 付天帝釋品第五十一
- 法師弘護品第五十二
- 付菩薩品第五十

阿難爾時放光如來復告天帝釋言憍尸迦  
其有異施得無量報如菩薩乘無量無邊此  
乃諸佛如來莊嚴之事所謂於如來前聽聞  
正法得如是等無量善根說此經時一切衆  
生所有疑心悉皆永斷憍尸迦以是因緣諸  
佛世尊出現於世斯諸菩薩摩訶薩等應當  
學習諸佛所行從佛聞已如說修行憍尸迦  
汝於如是可證知處勿復生疑當勤精進一  
心勇猛無有休懈憍尸迦汝等不可令一衆  
生於虛空中而生嫉妬汝等亦應自捨嫉妬  
此虛空者名為共法非一衆生及以一法而  
能獨有一切諸法猶如虛空衆物莊嚴應如  
是持有智慧人於是法中自當永斷一切疑  
惑憍尸迦終無有人知虛空已復迷虛空憍  
尸迦如是法門最為第一最上最勝最妙最  
深若復有人於是法門能相續緣乃至一念  
心生隨喜汝於是中應深慶幸作如是念當  
知此是不退菩薩已曾供養無量諸佛故能